



Publicaziuns dalla vischnaunca, jamna 21

Damondas da baghegiar

2019-1020.000

Datum dalla publicaziun: 24 da matg

La patruna: Vischnaunca Disentis/Mustér, Via Cons 2, 7180 Disentis/Mustér

Il representant: Iso Mazzetta, Via Lucmagn 7, 7180 Disentis/Mustér

Object: Canalisaziun nova d'aua schubra tenor concept pigl allontanament e la purificaziun dallas auas piarsas GEP e cumpletaziun dil provediment d'aua a Clavianev, 7180 Disentis/Mustér

2019-1021.000

Datum dalla publicaziun: 24 da matg

Il patruns: Admir ed Almedina Jasarevic, Via Acletta 13, 7180 Disentis/Mustér

Il representant: Linus Maissen, Via Foppas 10, 7186 Segnas

Object: Construcziun d'ina casa d'ina famiglia cun garascha, parcella 3965, Via Soliva 15, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 21 da matg 2019

Uffeci da baghegiar Disentis/Mustér

Via d'uaul Punt da Brulf-Fontanivas

Serrada dalla via

Muort las lavurs da construcziun per slargar e rinforzar la via d'uaul sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars-Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis. Bien engraziament per la capientscha.

Disentis/Mustér, ils 13 da mars 2019

Uffeci forestal Disentis/Mustér

Administraziun communal

Sur Anceinza naven da **mesjamna, ils 29 da matg 2019 allas 17.00 entochen gliendisdis, ils 3 da zercladur 2019** allas 9.00 resta l'administraziun communal serrada. Bien engraziament per Vossa capientscha.

Administraziun communal

Muort ina scolaziun interna resta l'administraziun communal serrada **mesjamna avonmiezdi, ils 5 da zercladur 2019**. Bien engraziament per Vossa capientscha.

Administraziun communal



Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni adminstraziuns d'immobillas che han pigl 1. da zercladur 2019 habitaziuns ni casas d'ina famiglia vitas ein obligai da comunicar quei per telefon 081 920 36 36 ni a scret all'administraziun communal entochen sil pli tard ils **7 da zercladur 2019**.

Sco habitaziuns vitas el senn da quella dumbraziun vegnan quintadas tut las habitaziuns mobiliadas ni buca mobiliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ein pil di da controlla (1-6-2019) vitas, denton habitablas e
- ch'ein pil di da controlla (1-6-2019) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

Administraziun communal

Controlla da habitonts

Naschientscha

Giulia Maria Monn, naschida ils 13 da matg 2019, feglia da Christina Mirjam e Pirmin Monn

poly.kids

-> Anmeldung siehe Gemeinde Ilanz/Glion

Societad da tir Desertina

Tir obligatori a Sedrun la Resgia

Anceinza, ils **30-5-2019**, 19.00–20.00

Gliendisdis Tschuncheismas, **10-6-2019**, 18.00–20.00

Cordialmein envida *la suprastonza*

Biblioteca populara Disentis/Mustér e contuorn

Venderdis, ils 31 da matg 2019 resta la Biblioteca populara Disentis/Mustér e contuorn serrada. Nus engraziein per Vossa capientscha. Bugen essan nus puspei cheu per Vus gliendisdis, ils 3 da zercladur 2019.

Il team dalla biblioteca

Di naziunal dils mulins

Sonda, igl 1. da zercladur ei il di naziunal dils mulins. Uniun da falun e cascharia Disla envidan in e scadin per prender envesta als indrezs ch'ein aviarts quei di, naven dallas 10.00–17.00. Sin bien seveser a Disla.



Corporaziun d'alp Russein Mustér

Radunonza generala dils possessurs da dretgs dalla corporaziun d'alp Russein Mustér, gliendisdis, ils 3 da zercladur 2019 allas 20.15 el hotel «Alpsu», Mustér.

Tractandas:

1. Beinvegni
2. Elecziun d'in dumbravuschs
3. Prelecziun ed approbaziun dil protocol dalla radunonza generala dils 11 da zercladur 2018 (part pertuccont la corporaziun da dretgs)
4. Render quen digl ugau per igl onn 2018
 - a) Rapport dils revisurs ed approbaziun dil quen
5. Rapport digl ugau
6. Revisiun totala dallas statutas (proposta ed approbaziun)*
7. Elecziuns:
 - a) president
 - b) vicepresidente/actuar
 - c) cassier
 - d) dus revisurs da quen ed in substitut
8. Fixar ils tscheins dils dretgs per 2019
9. Contract d'affitaziun per l'alp Russein/informaziun
10. Credit turbina
11. Contract cun l'Axpo
12. Deliberaziun da damondas e propostas
13. Varia

*Sin giavisch d'in proprietari da dretgs sa vegnir priu envesta dallas statutas surluvradas tier igl ugau Armin Berther (079 609 48 25/armin.berther@gmail.com).